

22. Յերկուշարաթով գտան ուղեկիցք լուծերականք ոմանք վաճառականք ի Լէօպօլսայ, որք ի վաճառատեղն էին գնալոց. ընդ որս և ես ուղեկցեցայ՝ վարձեալ զկառ. եկն ընդ իս և Բան Թէօտօր Սապաթ: Ի վաճառատեղիս յայս յամենայնում ամի յաւուր Ծննդեան Աստուածածնին, ըստ Հնոյ տու մարին, յուծ սեպտեմբերի, սովորք են վաճառականք ի զանազանից գաւառաց համագումարիլ պէսպէս վաճառօք. որ կիսով մղոնաւ Հեռի է ի Սնաթինու, ի սահմանին Պուղտանաց. ուր ոչ քաղաք և ոչ գեօղ է, այլ յանմարդում վայրի՝ զխուզս յոսոոց ծառոց յօրինեալք՝ մնան իբր եօթնեակս երկուս կամ երիս, և անուանեն Օթաք: Անդէն զամանս տեսի արեւելցիս ծանօթս, զԵրեւանցիս, Նախիլեւանցիս, Կապանցիս, և այլս. յամալք սնդէն իբրեւ դժամս երկուս, ընդ նոյնց ուղեկցաց գնացիւք զէպ ի Գամէնից, և երեկոյին օթեցիւք ի գեօղն Գօցման, որ առ մէթրօփօլիտն Պուղտանաց պատկանի:

23. Յերեքշարաթով ելեալք անտի գիշերայն, փութացաք հասանել յայնմ աւուր ի Գամենից. բայց մուրեցեալք՝ յանտեղեկութենէ կառավարչայ՝ ընդ ձորակս և յանտառս անմարդիս, յետ հասարակ աւուրն հազիւ ի գեօղն Չամշուվ հասինք, ուստի անդր անցանելոց էաք նաւու ընդ գետն Տնետար: Ճաշեալք անդէն՝ մնացիւք ոչ սակաւ գալստեան նաւավարին, և անցեալք յայնկոյս, ուղեկիցքն Լուծհերականք հատուցին և վասն իմ զնաւուռն, որք և ընդ ամենայն ճանապարհն ոչ նուազ զգթութիւն քրիստոնէական՝ քան զմարդավարութիւն ապացուցին. մերթ յընթրիս իւրեանց հրաւիրելով, իրբեմն զգինի և զցքի, զկողի և զհաց պաշտպանելով, յ'օրոսոց իւրեանց ըզբաժինս տալով, բազմիցս զտեղի առնլով՝ մինչ կառն իմ միաձի յամէր ժամանել նոցա. երբեմն օգնելով կառավարչին իմում յանցս դժուարինս, և այլովք պաշտօնատարութեամբք պարաւանդեցին զիս, թէ և անծանօթք. որոց տացէ Տէր զլոյս ճշմարտութեան: Թանտէմ, յերեկոյին անագան հասինք յաւան Չառնօքօզնիցայ կոչեցեալ, որ պատկանի առ եպիսկոպոսն Գամենիցու, և է փոէփօզիթուրայ. որոյ զգղեական հանդերձ պաղատաւան եպիսկոպոսականաւ՝ վաղ ուրեմն ամբողջ տեսեալ էր իմ՝ նախ քան զամս 38. և արդ գտի տապալեցեալ:

24. Ի չորեքշարաթով մինչ ելեալք անտի անցաք զառիվերն, սկսաւ անձրեւ մեղմաբար ցօղել. ի մտանեկն յանտառն և յիջանել զառիվայրն ի ձորակն, յորում է առու մարգամէջ, առաւելաւ անձրեւն. իբրեւ անցիւք ընդ այն դժուարութեամբ և ելինք ընդ դարն, յորդեցաւ յոյժ անձրեւն, մինչ գրեթէ ամենեւին թացաք. և յետոյ փոխեցաւ ի կարկուտ խիտ, հողմով ցըրտաշնչիւ, յորմէ սառուցեալք դողայաք. և հոսէին ընդ ուղին հեղեղք յորդք զէպ առ ձորակն՝ ընդ որ անցիւք. եթէ դոյն ինչ յառաջագոյն իցէր սկսեալ, արդարեւ յայնկոյս առւոյն մնացեալք էաք, կամ յանմարդում վայրի. կարկուտն՝ վերստին յանձրեւ փոխեցեալ՝ խստութեամբ օդոյ այնքան վշտացոյց, մինչ յուսահատել մեզ, եթէ ոչ գիտիցէաք մերձ գոլ ոմն գեօղ կոչեցեալ Խա-